

R A T I O N E S

O B Q V A S

ILLVSTRISSIMVS DOMINVS

ARCHIEPISC. MECHLIN.

BELGII PRIMAS &c.

à promulgatione BVLLAE,

qua proscribitur Liber cui titulus,

CORNELII IANSENII, Episcopi Ipresfis,



AVGVSTINVS,

ABSTINUIT:

ex mandato Regio allegatę, ac Catholicę Maie-
stati exhibite.

S. Prosper lib. contra Collatorem cap. 1.

*Quidam habentes speciem pietatis in studio, cuius virtutem
diffitentur in sensu, trabunt ad se multos ineruditos; &
non habentia spiritum discretionis, corda conturbant:
atque in eum statum deducere causam Ecclesię moliun-
tur, vt, dum nostros affirmant non veraciter pro gratia
locutos, Inimicos gratiæ persuadeant iniuste damnatos
esse.*



M. DC. XLIX.

ILLVSTRISSIMVS DOMINVS
ARCHIEPISC. MECHELIN.

BELGII PRIMAS &c.

promulgatione Bullarum

que proscribit Libros contrarios

CORNELII IANSENII, Episcopi Iansenii

AVGVSTINI

ASTIN

ex mandato Regio allegat, ac Catholice

hanc exhibere.

2. Proff. lib. contra Collationem

Quoniam habentes specimen in studio, cum doctrina
distinctione in scriptis, ex hunc alio modo in hunc
non debemus spiritum discretionis, contra contrarium
et in eum hunc de hunc etiam in hunc
et in hunc hunc hunc hunc hunc hunc hunc hunc
hunc hunc hunc hunc hunc hunc hunc hunc hunc
hunc hunc hunc hunc hunc hunc hunc hunc hunc

I VSSUS dicere causas, ob quas à Promulgatione³
Bullæ, quâ proscribitur Liber cui titulus, COR-
NELII IANSENII, Episcopi Iprensis, AVGVSTINVS,
hactenus abstinui, eas cum summa erga Sanctam
Sedem, Regiamque Maiestatem reuerentiâ, quan-
tum patitur negotij grauitas, breuissimè expo-
nam.

DIVVS AVGVSTINVS non minùs vitæ sanctitate
quàm rerum omnium, quæcumque sub hominis
intelligentiam cadere possunt, cognitione admi-
randus, sicuti neminem in Ecclesia habuit qui cum
illo, aut ingenij magnitudine, aut rerum diuinarum
scientiâ ex equo conferri posset; ita in materia quæ
Dei gratiam ac prædestinationem, liberumque ho-
minis arbitrium spectat, Doctorum omnium atq;
adeo totius Christiani orbis consensu, principem
semper post Apostolos locum atque auctoritatem
tenuit, vtpote cuius ductu viginti ampliùs annis
Catholica acies contra Inimicos gratiæ Dei pugna-
uit & vicit: cuius iudicio quidquid in hoc argu-
mento difficile aut controversum postea occurrit,
Pontifices, Concilia sanctique Patres definierunt:
cuius denique doctrina velut ex intimis atque ar-
canis sacrarum Litterarum fontibus exprompta,
vniuersæ Ecclesiæ adeo probata est, vt qui contra
illam vel hiscere ausi fuissent, grauissimè illico à
Sede Apostolica reprehensi sint; & si non hæresis
notam, certè suspicionem incurrerint.

Prodierunt tamen nonnulli annis abhinc circiter 70. qui nihil veriti sunt (spretâ tanti Viri auctoritate, atque vno omnium per tot retrò sæcula Catholicorum sensu) doctrinam eius palàm impetere, atque impari licèt conatu, aggredi solidissimam Ecclesiæ Columnam.

^a Molin. in concordia quæst. 23. art. 4. & 5. disp. 1. memb. 6.

^b Ibidem memb. ult. circa finē.

^c ibid. circa medium.

Quos inter Molina Societatis IESV Theologus eò processit temeritatis, vt scripto etiam tradere ausus sit, ^a Augustinum sub quadam quasi caligine constitutum, ea quæ ipse deprehenderat non aduertisse: ^b nec dubitare se, quin eius de Prædestinatione sententiam, rationemquæ conciliandi libertatem arbitrij cum diuina gratia, Præscientiâ & Prædestinatione, Augustinus ceterique Patres vnamini consensu comprobassent, si eis proposita fuisset: quod-
que ^c si ea quibus ipse innititur principia, data explanataque semper fuissent, fortè neque Pelagiana hæresis fuisset exorta, neque Lutherani tam impudenter arbitrij nostri libertatem fuissent ausi negare: neque ex Augustini opinione concertationibusque cum Pelagianis, tot fideles fuissent turbati, ac ad Pelagianos defecissent facileque reliquæ illæ Pelagianorum in Gallia (quarum in epistolis Prosperi & Hilary fit mentio) fuissent extinctæ.

Atque ita (si Molina credimus) in summo errore per tot annos versata est Ecclesia, dum se putauit, confectò, Augustini ductu, formidolosissimò bellò, verum ac iustum de Pelagianis eorumque reliquijs egisse triumphum: atque ita tantoperè à Summis Pontificibus, Concilijs, Sanctisq; Patribus

com-

commendata doctrina, plus Ecclesiæ incommodi
quàm vtilitatis attulit. Si quidem Pelagiani & Se-
mi-Pelagiani quos debellandos Augustinus susce-
perat, eò magis in erroribus suis fuerint confirma-
ti, turbatiquè Catholici ad eos defecerint, ipsique
Lutherus & Calvinus ex ea heresum suarum semi-
na duxerint.

Hæc nupera Theologia, quam ipse Auctor *no-* Molina d.
uam appellat, postquam ex Hispania, vbi fabricata *memb. vlt.*
fuerat, in has partes allata est, magnas repentè in- *in fine.*
ter Iesuitas, & Vniuersitates Louaniensem ac Dua-
censem, turbas concitauit: quæ non mediocriter,
vti par erat, offensæ; ac Duacensis insuper ab Ar-
chi-Episcopis Mechliniensi & Cameracensi, nec-
non Gandensi Episcopo, rogata vt suum de ea lu-
diciū proferret: postquam diu multumque præ-
cipua illius capita examinarunt ac momentis suis
exponderunt, grauissimâ eam censurâ perstrin-
xerunt.

Et Louanienfis quidem hisce verbis: "Senten-
tia hæc diuinam bonitatem obscurat, Institutum"
eneruat: Scripturis illudit: Patrum testimonia in-
sensus alienos detorquet: humanæ rationis cor-
ruptioni applaudit: humilitatis fundamentum"
euertit: precandi necessitatem non magnam re-
linquit: propriarum virium fiduciam ingenerat: "
in salutis negotio quod præcipuum est, homini-
donat; quod minus, Deo: gratiam Dei libero ar-
bitrio

6
„bitrio subiicit, ac eius pedissequam facit: in sum-
„ma à Pelagio non satis procùl abscedit: Lutheri
„verò, Caluini & reliquorum nostræ tempestatis
„hæreticorum sententiam, dum ab ea videri vult
„quàm longissimè recedere potentiùsq; debellare,
„magis etiam imprudens stabilit atque confirmat.

E Belgio dehinc in Hispaniam contétione pro-
pagatâ, Salmanticensis Vniuersitas eandem non
mitiùs habuit. Cumque ad Inquisitionis Romanæ
tribunal, tamquam à fide exerrans, tandem delata
esset, ad eam discutiendam Clemens VIII. illam
de auxilijs congregationem instituit, in cuius exor-
dio suorum Prædecessorum exemplum secutus,
Sancti Augustini auctoritatem egregiè stabiliiuit, in
hunc modum præfatus:

„Quàmuis nemini, nisi Deo, rationem reddere
„debeam mearum actionum; dicam tamen im-
„præsentiarum rationes propter quas adstringere
„statui totam hanc disputationem ad normam
„doctrinæ Sancti Augustini de gratia.

„Prima est: quòd si (teste B. Prospero ferè ini-
„tio libri contra Collatorem) viginti annorum
„spatiò, acies Ecclesiæ ita dimicuit pro gratia con-
„tra Pelagianos, vt tandem Augustino duce vice-
„rit; oportet etiam vt in causa simili eundem du-
„cem agnoscamus, & sequamur.

„Secunda est: quòd idem Sanctus nihil videtur
„prætermittere eorum, quæ ad præsentis contro-
uerfias

„uerfias pertinent: quandoquidem ſi agatur de ne-
„ceſſitate gratiæ, eam deſcribit dicens; eſſe neceſſe,
„vt nos præueniat, comitetur & ſequatur: ſi de vi
„aſſerit, vires efficaciffimas præbere voluntati: ſi
„de effectu, teſtatur facere de nolente volentem:
„ſi de modo, aſſerit Deum id facere omnipotentif-
„ſimâ facilitate: deniq; ſic diſſoluit obiectiones, vt
„doceat liberum arbitrium non tantum bene cum
„illa gratia quam defendit, cohærere; ſed etiam
„fieri liberius, quando ab illa fuerit liberatum.

„Tertia tandem ratio eſt: quod cum multi Pon-
„tifices Prædeceſſores noſtri, doctrinæ Sancti Au-
„guſtini de gratia tam acres fuerint aſſertores &
„vindices, vt quaſi hæreditario iure eam in Eccle-
„ſia relinqui voluerint; æquum non eſt, vt patiar
„illam hæc quaſi hæreditate priuari.

Hic Molinæ ſui patrociniū Ieſuitæ ſuſcipiunt,
quàmquam alia omnia ſuaderent amicorum Con-
ſilia, atque imprimis Cardinalis Baroni-“ rogans
ne euſcemodi diſputationibus Societatis exiſti-
mationem in diſcrimen adducerent: tum plures è
ſuorum numero, qui minime omnium expedire
iudicabant opinionem, ex vnius priuati hominis
ingenio natâ, ab vniuerſa defendi Societate; præ-
fertim cum ea opinio non multum abluderet, ex
plurimorum ſenſu, à Pelagianorum dogmatis, iam
olim ab Eccleſia damnatis.

„Monui
„Reueren.
„Patres
„meos Soc.
„laſv. ne
„exiſtima-
„tionem
„illorum
„in defen-
„ſionem li-
„brorum
„Molinæ
„periclita-
„ri ſinant,
„& in diſ-
„crimen
„adduci.
Hæc ſunt
verba à Pe-
tro Mat-
thæo Hiſt.
Franciæ
tom. 2. l. 7.
ex litteris
aronij ex-
cerpta, qui
teſtatur
litteras au-
thenticas
ſe viſiſſe.

Ita

Be'larmini-
nus de gra-
tia & lib.
arbit. lib. 2.
cap. 11. in
fine.

Idem
lib. 1. c. 12.
in princip.

Ita certè inter alios sentiebat Cardinalis Bel-
larminus, qui dum agit de *Prædestinatione ex præiis
meritis* (quam Molina & Lessius sustinent) eam
vocat manifestum errorem; & doctrinam quam
isti impugnant, fidei articulum: vbi verò tractat
de efficacia gratiæ, quam iidem in *cardinem volun-
tatis humane refundunt*, ait sententiam illam Scri-
pturis manifestè aduersari, non longè distare ab
hæresi Pelagiana, & prorsus subuertere funda-
mentum Prædestinationis diuinæ, quod D. Au-
gustinus è Scripturis Sacris tam solidè deduxit.

Fuligat-
us & Syl-
uester Pe-
træ sancta
lib. 3. c. 5.

Clemens VIII. postquam triginta septem Col-
lationibus hæc super re habitis præsens adfuisse,
iamque ad definiendam contra Molinam contro-
uersiam sese compararet (vbi ipsi Iesuitæ agnos-
cunt) vitâ decedit.

Huius successor (post Leonem XI. qui non plu-
res 26. diebus in Pontificatu exegit) Paulus V.
eandem quam Clemens instituerat, congregatio-
nem instaurauit: cumque alijs decem Collationi-
bus pariter interfuisse, quàmuis Venetorum moti-
bus distractus, Bullam componi iussit, (cuius ha-
beri exemplum, & authographum in Archiuis Pon-
tificijs Romæ asseruari, fide dignissimi testes affir-
mant) quâ controuersia tota ad mentem D. Au-
gustini decideretur, quinquaginta propositionibus
Molinæ expressè disertèque damnatis.

Et quamquàm hæc Bulla promulgata non sit;

ex ea

9
ex ea nihilominus manifestè patet, quis demum fuerit celeberrimæ Congregationis, totque Collationum siue disputationum exitus.

Cumque idem Pontifex, dum suam proferret & publicam faceret sententiam (quod se opportuniori tempore præstiturum pollicebatur) vetuisset ne tantisper pars vna aliam argueret erroris; *hanc prohibitionem Iesuitæ, quodq; nihil aduersus eos pronuntiaretur, Causæ secundum se decisionē interpretati sunt*: ideo nimirum quòd nihil obtinere aliud hōc iudiciō contendissent, quàm vt Molinæ opinio ab erroris notâ libera discederet, quam se defendere, non vt veram, sed vt minimè erroneam sub initio dictæ Congregationis palàm testati fuerant: adeoque passim apud omnes, gloriati sunt *in hoc conflictu palmam se ac victoriam obtinuisse.*

Cœpit exinde in scholis ac disputationibus publicis D. Augustini eiusque discipuli, D. Thomæ, doctrina minori pretiō haberi; ita quidem vt ad argumenta ex eorum auctoritate, in hac materia, deprompta, passim responderetur, *Transseat Augustinus, Transseat Thomas.*

Quod sanè cum Salmanticæ contigisset, Celebris illa Vniuersitas aduersus audacem eiuscemodi nouitatem, iustissimo zelō succensa, operæ pretium duxit, legem siue statutum condere quo tum istius, tum futuri temporis Sacræ Theologiæ Professores iuramentō obstringerentur, ne quidquam docerent quod D. Augustino Diuòq; Thomæ, vbi

aperta eorum esset sententia, aduersaretur; vbi verò dubia & anceps, id sequerentur quod iuxta suum eorumue, qui vtriusque discipuli habentur, sensum propius ad eorum mentem censerent accedere: exceptâ opinione de Immaculata Virginis Conceptione, quæque lure Ecclesiastico immutata, vel immutanda, ac olim controuersa, Constitutionibus Apostolicis sunt definita.

Cùm verò Iesuitæ, & alij nonnulli, statuto tam salubri læsos se esse, arbitrarentur, idque conuellere & nullarum esse virium ostendere conati essent; Magister Basilius Pontius, Ordinis S. Augustini, Primariæ Sacræ Theologiæ, in eadem Vniuersitate, Cathedræ moderator, edito primùm Salmanticæ libellò, ac deinde Romæ & Duaci, præclaris elogijs vbique à Censoribus approbatò, argumentis ac rationibus irrefragabilibus perspicuum fecit: Vniuersitatem Salmanticensem, nihil pro nominis sui celebritate dignius, nihilque Ecclesiæ vtilius, magisque necessarium præstare vnquam potuisse.

Quas inter rationes, illa non infimum obtinet locum: "quòd ipsa temporis ratio deposceret eiusmodi decretum; vt nimirum noua dogmata inducendi prurigo, eaque ad exemplum hæreticorum (contemptis Sanctorum Patrum & præsertim Augustini & Thomæ sententijs) stabiliendi licentia compesceretur.

Quæcùm ita sese haberent, ac interim Prædestina-

stinationis, diuinæ gratiæ, totiusq; operis Redem-
ptionis nostrę materia, in tam varias & ancipites
controuersias manerent distracta; idque vnum
constaret (tum ex antedicta Clementis VIII. ad
Congregationem de Auxilijs præfatione, tum verò
ex acri reprehensione quam Iesuitarum vnus, (ni-
mirum Lessius, Molinę imprimis sectator) à Sixto
V. retulerat; eo-quòd Augustini in ea materia do-
ctrinam, omnium primus, in Academia Louanięsi
arroderere ausus fuisset) non minùs modernos quàm
antiquos Pontifices, omnes hæc Controuersias ad
normam eiusdem doctrinæ decisas, velle: ita vt ipsi
Iesuitæ satis ex eo certi, nouitia eorum dogmata sub-
sistere haud posse, si crederentur D. Augustino aduersari;
eundem viribus omnibus in suas partes pertrahe-
re, & ad suas opiniones detorquere conarentur,
adeoque magis quàm antèhac in incerto esset,
quid reuera Sanctus Augustinus senserit.

Teste Hen-
rico Hen-
riquez lib.
de vlt. fine
hominis c.
12 in com-
mentarijs.

CORNELIVS IANSENIUS pro ingenio quo valebat,
profundò admodum & perspicaci, complurium
annorum spatio, omne studium omnemque ope-
ram adhibuit, vt genuinam in hac materia men-
tem veramque sententiam erueret, tam intellectu
difficilem, quàm ab humana ratiocinatione, Eth-
nicæq; Theologiæ principijs longissimè distantem.

Quòd cum viginti annorum spatio, nempe quo
Ecclesia, ductore Augustino, Pelagianos oppugna-
uit, præstitisset, seque mentem ipsius affecutum

arbitraretur; existimauit, nihil Theologo dignius, nihil Deo, ipsique Sedi Apostolicæ gratius & Ecclesiæ vtilius se facturum, quàm si eam orbi Christiano exponeret, editò ad hoc librò quem proinde appellauit *AVGVSTINVM*.

Cùm verò id fieri non potuerit, nisi vnà subinde reprehenderetur illorum temeritas, qui Augustinum apertè oppugnare; & aliorum error, qui aliorum eum extorquere præsumpserant. quàmquam summo Theologorum omnium, tum Sæcularium tum Regularium qui, ab omni partium studio & affectu vacui, librum perlegerunt, applausu sit exceptus.

Attamen Iesuitæ quorum, præcipuè in hac materia, detegebatur inscitia vel imprudentia, suam suorumque hîc agi existimationem rati, omni curâ & industriâ æstimationem ei, pretiumque detrudere sunt aggressi.

Quod vt consequerentur, imprimis posthumam Auctoris famam, clam & apud vulgus imperitum, filias præcipuè deuoras, foedè parumque Christianè lacerarunt, asserentes eum hæreticum fuisse: nec mirandum, si aliquando ossa eius exhumari, & comburi contingeret.

Proposuerunt deinde ac publicæ luci dederunt librum Thesium, quæ non leuem Probis omnibus incusserunt stuporem; eo quòd incredibile videtur, tantum in animis hominum Religiosorum,

iram

iram odiumque potuisse, vt *Impostorem*; *Calvini spiritu repletum* dicerent, ac alijs infinitis horrendisque contumelijs traducerent Doctorem celeberrimū & Episcopum, nulli ex ordine eo postponendum: quemque constabat fuisse quondam *Academiae Louanienſis Lumen & Ornamentum*; atque *Vniuersitates Hispanicas* in ſui admirationem, tum vitæ & morum integritate, tum eruditionis excellentiâ rapuisse: & qui denique inuictâ pietate & constantiâ, hereses Caluini præſertim aliosque errores, exemplō Magistri ſui *Augustini*, indefeſſo ſtudiō reſſerant, & *Eccleſiæ Sedisque Apoſtolice* auctoritatem ſtrenuè propugnarat,

Contra hæſce Theſes, pro *Iansenij* deſenſione mox quædam prodierunt; & rursus contra hæc, alia.

Ac Romæ interea nihil intactum ac intentatum reliquerunt Ieſuitæ, vt liber eius *Apoſtolicæ Cenſuræ* prohiberetur, proſcriberetur, & damnaretur.

Pro-vt factum eſt, lato in eam rem Decreto *Auguſti M. DC. XLI.* eō prætextu, quodd aduerſus Decreta *Pauli V. & Urbani VIII.* prohibentia, *Ne quis tractatus, in materia de Auxilijs Diuine Gratiæ, abſque Sedis Apoſtolice licentiâ edatur*; cum graui ſcandalo in lucem prodiiſſet.

At illam proſcriptionem alij ſubreptitiâ eſſe dixerunt.

Ea siquidem Decreta quæ violata esse asseruntur huius Libri editione ; non tantum non fuisse recepta ; sed nec vllam subfuisse obligationem recipiendi : quorum equidem neutrum ratione destitutum esse videtur.

Exstant enim innumeri eâ de re Tractatus, absque vlla Sedis Apostolicæ permissione postmodum in lucem emissi, in Hispania, Germania, Gallia, & hisce Prouincijs : nec tamen auditum est vel libros vel Authores, Censuram vel reprehensionem tulisse ; quàmuis nonnulli Eminen^{ti}s Cardinalibus Nepotibus, ac Nuncijs Apostolicis, atque adeo ipsi Pontifici fuerint inscripti.

Ac denique pro certo habetur, iam dicta Decreta numquam hîc fuisse legitimè promulgata.

Estque perpetuæ consuetudinis, & ab omni æuo recepti moris, Pontificias Constitutiones in Belgio vim legis non habere, nisi ibidem fuerint promulgatæ : adeoque vt Belgas obstringant, promulgationem Romæ factam non sufficere ; quidquid eâ de re, iure communi disputari possit.

Et illa quidem consuetudo istius modi est, vt Patriæ legibus (quas Rex eiusque Prædecessores in sua inauguratione seruaturos se iurant) accenseatur.

Quæ cum Ioannes Iansenius, Euenensis Canonicus, Cornelij Episcopi nepos, ad impetrandam promulgationis dicti Decreti suspensionem, do-

25
nec Sedes Apostolica plenius instrueretur, Regi exposuisset; placuit, omnibus Belgij Episcopis, literis ad eos datis, iniungere, ut in sua quisque Diocesi inquireret, *An reuera Iansenij liber scandalum peperisset.*

Quod ego quidem, eò quò potui, studiò & fide præstiti, auditis omnibus qui de rei veritate videbantur potissimum instructi, & ad ferendum in hoc negotio iudicium maximè idonei, ac inter alios, Superioribus & celeberrimis omnium Ordinum in mea Diocesi Theologis; exceptis Iesuitis & Louanienfibus, quibus utique audiendis, curam Academico Reçtori SVA MAIESTAS commiserat.

Deprehendique, verè quidem occasione dicti libri non leuia exorta esse scandala, quæ tamen ipsi libro, iure imputari non possent; sed potius animositati & impotenti iræ, quâ eum aggressi sunt aduersarij, ac præcipuè Thesium antedictarum nimæ insolentiæ, & æcerbitati.

Deprehendi quoque, eorum qui Librum attentè peruoluerunt, hanc esse sententiam: ut scandalosus esse aut videri non possit, nisi doctrina sancti Augustini, tot Pontificibus, Concilijs, Sanctisq; Patribus probata, scandalosa simul esse iudicetur: utpote cum nihil præter ipsissima D. Augustini sensa contineat, & propositiones, quæ plùs cæteris agitantur & imperuntur, proprijs ipsius S. Doctoris verbis efferantur.

Denique

Denique tantum abesse, ut huius libri Lectores scandalum aliquod ex eo acceperint, ut etiam grauiores inter illos & primi Nominis, Deo gratias egerint, in ea se tempora incidisse, quibus contigit, præcipuos Fidei Catholicæ Articulos, & solidissima Christianæ humilitatis, pietatis, & amoris diuini principia, à S. Augustino olim tradita, primæuo suo splendori restitui.

Iesuitæ interim & tres Academia Louaniensis Doctores* (quos mirum sanè visum fuit, cum illis conspirasse eâ in causa, qua, prostratò Iansenio, conantur erigere Molinam ab ipsâ Facultate cuius hi sunt membra, non ita pridem tam graui Censurâ perstrictum) Romam præter omnem veri speciem scripserunt, *Louanij Constitutiones Pij V. & Gregorij XIII. conculcari; propositionesque in ijs condemnatas, palàm restitui, eo-quòd à Iansenio renouata & asserta conspicerentur: iamque, nisi tempestiuè obuiam iretur, præforibus esse Schisma, toti Ecclesiæ perniciosum.*

Ex hac grauiori notâ Liber Iansenij proscribitur, formatâ nimirum Bullâ cuius modò vrgetur promulgatio; causisque priori Censurâ expressis, hæc præterea additur: *in eo contineri, & cum graui scandalo Sedisque Apostolica contemptu, ac in Ecclesiæ peniciem renouari, & defendi multas propositiones, iam dictus Pij V. & Gregorij XIII. Constitutionibus damnatas.*

Verùm in eo vel maximè, qui Librum Iansenij probant, persuasum habuère, Sanctam Sedem fuisse

17
fuisse circumuentam, ob rationes quæ postea
referentur.

Cumq; præterea non leuibus argumentis Bulla
hæc in falsi suspensionem adduceretur, Academia
Louaniensis binos ad Vrbanum Pontificem,
vnum Theologiæ, alterum iuris vtriusque, Do-
ctores ablegauit, An vera esset, inquisituros; &
si vera deprehenderetur, Sanctitati suæ causas sub
& obreptionis exposituros.

Paucis postquam Romam appulerant diebus,
Cardinalis Barberinus qui tunc illic omnia age-
bat & poterat, Abbatem S.^æ Anastasiæ, Pontifi-
cium in hisce partibus Ministrum, Aduersario-
rum Iansenij, egregium fautorem, de illorum ad-
uentu certiores reddidit, aperteque indicauit, *ve-
rendum non esse, ne quidquam in hoc negotio immutaretur.*

Euidens profectò argumentum animi præoccu-
pati constantisque voluntatis, dictam Bullam su-
stinendi, quidquid tandem contrà adduceretur,

In primo nihilominus ad Pontificem accessu,
Sanctitas sua viuæ vocis oraculò expressè eis de-
clarauit, "Non aliud se mandasse, quàm vt denuo
„confirmaretur Bulla Pij V. à Gregorio XIII. antè
„confirmata; sed & disertè cauisset, ne quis in di-
„cta Bulla, propriò nomine expressò, sugilla-
„retur.

De cuius rei veritate ambigi videtur non posse,
cùm id ipsum ijdem Legati, Romæ adhuc existen-

tes, Libello eidem Pontifici exhibito, disertis verbis, inferuerint.

Nec enim credibile est, ausuros fuisse istiusmodi Viros, libellô quem Pontifici porrigebant, asserere rem tanti momenti ab eo dictam fuisse, si dicta non fuisset; & eâ quidem fiduciâ, ut hoc præterea adderent, "mirum ergo videri, unde in dictam Bullam irreperit nomen Iansenij.

Et quàmuis ea Pontificis declaratio, bonam futuri successus spem faceret; in progressu tamen nihil aliud quàm constantis illius, nequidquam in eo negotio immutandi, voluntatis quam Cardinalis Barberinus litteris suis ad Abbatem S^ce. Anastasie supra adductis tam apertè indicarat, perpetua experimenta senserunt.

Apertè enim testatur Legatorum alter (alter Romæ obiit) quidquid apud Cardinalem fecerint, quidquid vserint, numquam obtineri potuisse, ut liber Iansenij legitimè examinaretur, & cum Diui Augustini scriptis conferretur, unde tamen præcipuè pendet Iansenij defensio: ut qui nihil aliud intenderit quàm explicare, & fidelissimè proferre Augustini sensa; nequaquam verò de eorum veritate aut falsitate quidquam statuere: uti pluribus locis palàm est testificatus.

Sed nec illud obtineri potuit, ut Bullam falsis extortam fuisse suggestionibus, argumentis in eam rem paratis, ostendere liceret.

Id tan-

99

Id tantum concessum est, ut remedium aliquod
exposcerent aduersus eos, qui occasione dictæ Bul-
læ D. Augustini auctoritatem in contemptum ad-
ducebant.

Valde præterea suspectum est, quod idem Le-
gatus affirmat: Assessorem S.^{ci} Officij Albisium,
Bullæ Compilatorem (grauissimi haud dubie cri-
minis Reum, si quid in ea, à mente Pontificis alien-
num, expressisse deprehenderetur) omnibus deli-
berationibus & resolutionibus eâ de re habitis in-
teruenisse.

Nota.

Quarum hic demum fuit exitus: quod (etsi Le-
gati, ut nihil committerent in quo offendi Cardi-
nalis Barberinus posset, neque ab eo datam sibi
potestatem excederent, nihil aliud postulassent,
quàm ut Obtrectatores D. Augustini compesce-
rentur) post mortem tamen Pontificis, Decretum
ijs insinuatum fuit, tam longè à precibus quas por-
rexerant, alienum, quàm his quæ Cardinalis Bar-
berinus Abbati S. Anastasiæ, litteris paulò antè re-
latis, addixerat consentaneum.

Disertis enim verbis in eo refertur, & statuitur:
*Porrectū à Legatis fuisse supplicem libellum pro dictæ Bullæ
veritate, & intentione suæ Sanctitatis circa illam indagandâ:
ac ut huic petitioni satisfaceret, Pontificem mandasse, ut
eius exemplum illis traderetur exactè cum Autographo colla-
tum: ac simul significaretur eam suæ Sanctitatis mentem
esse, ut præcisè Bulla observaretur, dubitationibus, difficul-*
C 2 *tatibus*

tatibus, ac querelis hac occasione exortis, vel exorturis perpetuum silentium imponendo.

INNOCENTIO X. ad Pontificatum euectô, Legatus superstes, rursus apud eum institit, vt lansenij liber debito examini subijceretur, & cum S. Augustini scriptis conferretur.

Obtulitque & paratissimum se exhibuit, euidetissimis argumentis ostendere (quod & ante Urbanô viuentem in confessu Cardinalium aliorumque huius causæ Cognitorum obtulerat) ^{ac} contro-
uersiam quæ nunc inter lansenium eiusque Ad-
uersarios agitur, nihil omninò ab ea differre,
quæ fuit olim inter S. Augustinum & Pelagianos,
ac Semi-Pelagianos; nullisque lansenium hæc-
nus impeti argumentis quàm quibus Pelagiani &
Semi-Pelagiani impugnarunt Augustinum.

Eâ quidem lege & conditione: vt si vel in vno articulo eum conuinci vel deficere contingeret, suis ipse manibus lansenij librum, vlttricibus flammis in acie Campi-Floræ traderet.

At nihil iterum obtinuit, sed nec eo minùs honorificè à sua Sanctitate habitus & dimissus fuit; gratijs certè haud vulgaribus donatum, fidem facit Pontificium breue, quod ipse vidi, ei postquam Româ excesserat, iubente Pontifice submissum: quo sua Sanctitas quid de eo censeret, quantoque illum affectu prosequeretur, pro fidelitate, obseruantia, & sinceritate erga Sanctam Sedem exhibitis, manifestè ostendit.

Aduer-

Aduersarij Iansenij nouô hâc Decretô suffulci,
omnia sibi aduersus Iansenium licere, quasi iam
omniñò prostratum, existimarunt: adeoque ipsi
Augustino petulantius insultare cœperunt.

Ac trium quidem Doctorem quos suprà me-
morani, vnus, è publica Cathedra iam antè, non
sine graui Auditorum offensione, pronuntiarat plu-
res propositiones, quas Augustini esse fatebatur, iisdem qui-
bus ille has asseruerat, terminis, damnatas esse: Ecclesiam
à D. Augustini Pedagogiâ liberari debere: D. Augustinum
Doctorem fuisse, qualis ipse erat: D. Augustinum argumen-
tis & obiectionibus Iuliani, Pelagianorum Coriphæi, non sa-
tisfecisse: D. Augustini Theologiam de traductione peccati
Originalis, esse rusticam.

Vtque deinde ostenderet, hæc omnia non leui-
ter ac incogitanter à se asserta, composuit suisque
Discipulis dictauit tractatum singularem de diui
Augustini auctoritate; ita nimirum eâque mente,
vt quam tanto Patri auctoritatem Iansenius non
ex ingenio suo, sed infallibilibus Pontificum, Con-
ciliorum, Sanctorumque Patrum testimonijs at-
que elogijs asseruerat, hanc ille eriperet, vel saltem
imminueret.

Alter verò, cùm paratam in Iansenium haberet
declamationem quam ne proferret, mandatô re-
giô vetabatur, se quidem huic mandato pariturum; sed quæ
in Iansenium composuerat, in Caluinum cōuersurum, palàm
edixit. nec quidquam deinde protulit præter pro-

positionum quàm-plurium è Caluino haustarum farraginem, intermixtâ non rarò verissimâ ipsius Augustini doctrinâ, ipsissimis eiusdem verbis.

Quidam Antuerpiæ Iesuita, Bullæ promulgationem diutiùs protrahi non ferens, eam ipse pro Concione ad populum proclamare ausus est; more quidem adeò insolenti totque congestis in Iansenium ejusque sequaces conuitijs, vt totum Auditorium grauissimè conturbaretur.

*Falsissime
sunt.*

Quod profectò videri non potest, ignorantibus, & improbantibus Superioribus, euenisse: cùm ille pluribus antè Concionibus, *rem planè nouam se paratam habere, populo exponendam*, edixerit, omnesque ad hanc audiendam studiosè inuitauerit; neque tamen intellectum sit, increpitarum fuisse, aut castigatum.

Falsa.

Quin potiùs eadem conuitia diuersis alijs postea Concionibus repetiisse, hisque grauiora adiecisse; sed & perspicuis verbis asserere ausum, *nullam se Superiorum offensam metuere, quorum vtique voluntatem exequeretur.*

Ac alium deinde Iesuitam eadem in ciuitate eodemque pulpito, ad infringendam in materia de Gratia S. Augustini auctoritatem, multas illius Sancti in alia materia propositiones recitalse *quas esse falsas aiebat, & Catholicæ doctrinæ aduersari.*

Omitto quæ hac de re in Gallia aguntur, vbi Iansenius eo liberiùs & audaciùs proscinditur, quòd præ-

præclari illius libelli cui nomen , MARS GALLICVS , Auctor esse censeatur ; quocum hætenus nihil ad afferenda Hispanicæ Monarchiæ iura ac præcellentiam , & armorum iustitiam solidius , ita nil vnquam Franciæ rebus magis exitiosum , prodijisse visum fuit.

Neque negligunt Iesuitæ (ut publicum aduersus defuncti memoriam eiusque sequaces concitent odium) scriptis omnibus quæ in hac materia euulgant, summo studio id ipsum inculcare.

Idque nullâ Bullæ controuersæ reuerentiâ , quæ utiq; non minùs seuerè aduersus Iansenium , quàm pro Iansenio scribi vetat.

Vtque constet quàm apertè huic Bullæ illudant, eam vnà cum Thesibus (quas suprâ retuli) eâdem cum Iansenij libro prohibitione expressè comprehensis, Parisijs excudi curarunt; dum hîc eorum socij, ac præcipuè iam dictus Concionator Antuerpiensis publicis declamationibus, *infelices armorum regionum successus, Bullarum Apostolicarum contemptui adscribunt.*

Ac præterea quàm ipsi religiosè Bullam obseruent, euident quoque argumentum est, infamis falsò nomine Antonij Richardi , iam tertiò excusus liber cuius Authorem fuisse Iesuitam non dubitatur ; quin-imò Belgam , non levis est suspicio.

Hôc sanè librô quo in tanta eorum copiâ , quæ aduer-

aduersus Iansenium edita sunt, nihil vnquam prodijt acerbius; Illustris ille Præsul fœdius quàm vnquam Lutherus, aut Calvinus discerpitur: pudendi vt plurimum latrocinij ac plagij accusatur, quasi quæ primùm Calvinus in Augustino deprehendisset, ipse suâ industriâ ex Augustini scriptis eruta profiteretur: eiusque deinde sequaces, dum aliunde ad Bullæ obseruationem premuntur, apertè ad respondendum prouocantur; ac ita quidem, vt si tacuerint, pro conuictis sint habendi.

Sed & postremæ editioni accessit ad Principem Condæum, præcipuum in Gallia Iesuitarum hõc præsertim rerum statu Protectorem & Mæcenatent, Epistola vilissimis & abiectissimis adulationibus referta, quâ disertè exprimitur, Iansenium Ecclesiæ doctrinam conuellere molientem, cùm Francorum Reges, Catholicæ veritatis propugnaculum, Columnam, Scutum, & esse, & à Romanis Pontificibus appellari non ignorarit; propugnaculum illud exscindere, columnam euertere, scutum perrumpere conatum esse: ac experiri voluisse in Gallica Maiestate, quid in Apostolicam posset; & Ecclesiæ oppugnationem ex primò-geniti filij iniurijs auspicari. Verùm vt duplici ingenij sui factu (Marte nimirum Gallicò & Augustinò suo) prouidit, vt etiam post fata vtramque oppugnaret; sic geminâ prole effecisse Condæum, vt cùm hunc Superi repetent, eius neutra patrocinium excideret: diuisisse Iansenium se-ipsum in libros tamquam in liberos, ac primò-genitum quidem Galliæ hostem esse voluisse, alterum Catholicæ veritatis inimicum; Condæum verò virtutes suas
partiri

partiri in filios : & maiorem natu, Gallia scutum ; minorem
 verò, Ecclesiæ Columnam designasse : hosque ea parentis vota
 sic implere , vt ijs publica vox ea ipsa nomina iam imposue-
 rit , quæ Iansenius Operibus suis falsò inscripserat : Ludo-
 uicum, totius Europæ iudicio, MARTEM GALLICVM ; Ar-
 mandum , octodecim annorum adolescentem , Gal-
 licani Cleri suffragio , AVGVSTINVM haberi.

Nec eo minus tamen hic liber cum hac ipsâ Epi-
 stolâ publicè Louanij venum exponitur , & ab or-
 dinario quidem Iesuitarum Bibliopolâ.

Ac interea liber Iansenij, nullibi Gentium, fer-
 uentiori zelô & alacritate defenditur , quàm in
 Gallia , maiori & saniori Episcoporum ac Theo-
 logorum parti gratissimus probatissimisque, tam-
 quam & fidelissimus mentis D. Augustini Inter-
 pres : pro-ut testimonijs fide dignissimis comperi.

Sed neque Academiam Parisiensem, neque Epif-
 coporum aliorumque Prælatorum totius Gallica-
 ni Cleri nomine ibidem habitam Congregatio-
 nem , adduci potuisse , vt dictam Bullam recipe-
 rent , Principe Condæo , Cancellarioque Franciæ
 (pari affectu, Iesuitarum Causæ fauentibus) ac de-
 inde Cardinale Grimaldi eiusque in Nuntij Apo-
 stolici munere successore , & ad horum omnium
 preces ipsâ Reginâ , nequidquam vrgentibus.

Quin-imò Regina (postquam Nuntio Aposto-
 lico litteras dederat , prædictæ Academiæ simul
 cum Pontificio Breui tradendas , quibus Bullam

hanc sine mora recipi, seuerè iubebatur) ex grauissimis quæ inde nascerentur, periculis & incommodis monita, eas confestim reuocauit, & ab instituto deinceps destitit.

Neque minora sanè mala & incommoda, vt ego quidem arbitror, in hisce partibus sunt pertimescenda.

Valde enim verissimile est, Iansenij librum nihil præter meram doctrinam verissimaque D. Augustini sensa continere.

Cùm id constantissimè asserant, non ij tantùm qui Iansenij defensionem susceperunt; sed & alij innumeri, tum Sæculares, tum ex omni ordine Regulares, præclarissimi Theologi.

Neque ex aduerso, ne in unico quidem articulo, qui Iansenium oppugnant, hoc eorum iudicium refellere potuerint: sed neque eò adduci, vt eâ de re Collationem instituerent; quàmuis sæpiùs ad hoc rogati, & prouocati.

Cumque interea *librum eius erroribus hæresibusque* fecatere, ac vt hæreticum dictâ Bullâ proscriptum condemnatumque esse, vbiq; spargant, & vno ore proclamant; ambigendum non est, quin illius Bullæ promulgatione & receptione, hæretici quibus hîc vndique cingimur, in ea opinione quâ pro se Augustini, adeoque tot Pontificum, Conciliorum, Sanctorumque Patrum sententiam stare putant, pertinaciùs sint obfirmandi; eamque Bullam ita sint accepturi,

cepturi, vt nullum sibi potentius telum, ad infrin-
gendam S. Sedis totiusque Ecclesiæ infallibilita-
tem, subministrari posse existiment.

Iamque apud Hollandos eo solo intuitu in eo-
rum Idioma, à fide dignis admoneor, conuersum
esse Iansenij librum typisq; mandatum; vbi pri-
mùm constiterit, Bullam vbique esse receptam.

Ac prætereà non mediocriter verendum, ne Ca-
tholicis quoque infirmioribus persuadeatur, hæ-
reticorum doctrinam auctoritate S. Augustini sub-
nixam; illique hoc argumento seducantur, præ-
sertim vbi intellexerint, inter tot Patres qui Augu-
stini doctrinam sunt amplexi, S. Bernardum adeò
tenaciter ei adhæsisse, vt aperte profiteretur, se cum
illo sapere, aut errare.

Bernard.
epist. 77.
ad Hugo-
nem de
Sancto
Victore.

Neque minus subest periculum, ne Bulla hæc
quæ pacis & tranquillitatis in Ecclesia conseruan-
dæ studio condita est, effectus planè contrarios
producat; eaque inde Schismata reuera oriuntur,
quæ Summo Pontifici persuadere nonnulli volue-
runt *oritura, nisi liber Iansenij supprimeretur.*

Nam (si eius Aduersarij nullo alio, quàm hâc
Bullâ, innixi fundamento, à concitandis tot turbis
dictoque libro tam proteruè impetendo, compesci
nequeant) omninò existimo longè difficilius con-
tineri posse eos qui librum probant, tot vtique
Pontificum, & Conciliorum auctoritate (vt certò
sibi persuasum habent) munitos.

Et si ea Bullæ esset sententia quam asserunt Adversarij Iansenij; omnium maximè verendum existimarem, ne tandem reuocetur, & pari atque olim animorum motu agiteretur antiqua illa Controversia, An in causis Fidei à Pontifice ad futurum Concilium pronocare non liceat.

Ac interea penè certum habeo, quidquid vigeatur Bullæ executio, eam minimè observandam: adeoque ab illius promulgatione nihil aliud expectandum, quàm ut Pontificia Regiaque Auctoritas in discrimen contemptus abducatur.

Qui enim librum Iansenij probant (hi verò alijs, & numero & auctoritate longè sunt superiores in mea saltem Diocesi) eam nullam esse, & invalidam prorsus non dubitant.

Certoque credunt, & intrepidè asserunt, fraude, importunitate, falsisque suggestionibus extortam, sijsdem planè artibus sustentari, ac præcipuè potentia Albisij à quo contra mentem Pontificis compositam esse existimant.

Nec profectò credibile esse, Sanctitatem suam induci se passuram ad proscribendum eum librum, in quo perspectum haberet, nihil aliud contineri, quàm doctrinam toties à Prædecessoribus suis approbatam; quamque eorum vnus haud pridem disertè professus esset, Ecclesiam, quasi iure hereditario suam fecisse; omniumque Controversiarum in ea materia quam liber ille tractaret, definienda-

nota



niendarum regulam ac normam esse voluisset.

Credunt etiam, & intrepidè asserunt, causas pro-
scriptionis, falsa Aduersariorum esse commenta.

Cumque Decreta illa quibus vetitum fuit, *nullum
sine permissione Pontificis, in dicta materia tractatum edi,*
vim legis non habuerint; editione dicti libri, Pon-
tificiæ legi contrauentum fuisse, dici non posse.

In ijs quæ sunt facti, haud dubiè Pontificem
(pro-ut ceteri omnes) decipi posse & circumue-
niri.

An verò quasdam propositiones à Pio V. & Gre-
gorio XIII. damnatas, in contemptum Sedis Apo-
stolicæ, & Ecclesiæ perniciem renouet, & defen-
dat Iansenius, facti quæstionem esse; & quidem
istiusmodi, vt veritas sensu percipi queat.

Inspicienda tantum sunt loca quibus iam dictæ
propositiones tractantur; ac ipso aspectu palam
futurum, tantum abesse, earum aliquam in Apo-
stolicæ Sedis contemptum, & Ecclesiæ perniciem
renouari & defendi, vt potius eas omnes iure dam-
natas, vel proscriptas fuisse, Iansenius disertè asse-
rat.

Hoc solùm ab eo agi, & quidem summâ erga
Sanctam Sedem reuerentiâ & veneratione; vt ap-
pareat, quo sensu harum nonnullæ traditæ sint ab
Augustino; quouè alio sensu, & quas ob causas
damnatæ fuerint, vel proscriptæ.

Ac vt ex eo ostenderet, Constitutionibus Pij V.

& Gregorij XIII. (quæ ipsæ declarant expressè
 “quasdam propositiones ibidem expressas, in rigo-
 „re & propriò sensu ab Auctõribus intentò susti-
 „neri posse”) veram & genuinam S. Augustini do-
 ctrinam, nullo pacto lædi, neque Modernos Pon-
 tifices ab Antiquis dissentire.

In eo verò, plerorumque Iesuitarum exemplum
 secutum esse aiunt, quos utique constat pro qua-
 rundam propositionum defensione, quas veras &
 Catholicas esse negare non poterant, simili inter-
 pretatione ad argumenta, ex dictis Constitutioni-
 bus exprompta, respondisse; quin-imò minori
 cum respectu & reuerentiâ: cum tamen nemo eo-
 rum eâ de causa fuerit reprehensus.

Et quàmuis hæc omnia Legati Louanienses Ro-
 mæ exposuerint: cum tamen ad probationem to-
 ties oblatam numquam fuerint admissi, neque im-
 petrare potuerint, ut liber Iansenij debitè examina-
 retur, & cum scripturis D. Augustini conferretur,
 alijsque suprâ-dictis sine effectû & studio perpen-
 sis; eos legitimè auditos fuisse, ac negotium hoc,
 pro-ut Ius & Ratio exigit, discussum neutiquam
 dici posse videtur.

Quæ sanè rationes, aliæque ex præmissis facile
 deducendæ, adeo grates mihi visæ sunt, ut omninò
 crediderim, non solum licuisse; verum etiam ob-
 strictum me fuisse, à promulgatione dictæ Bullæ
 supersedere: cum non vno Iuris loco statuatur,
 sitque

sitque receptissima tum Theologorum, tum Iuris-Consultorum omnium sententia: Mandata Pontificum Principumque exequenda non esse, si verisimile sit, prauis ea suggestionibus fuisse obtenta; vel eorum executio sine scandalo, manifestâ iniustitiâ, aut aliô graui Reipublicæ incommodô fieri nequeat.

Idque locum habere intelligitur, etiam post secundam iussionem; quin-imò tantisper, donec suam Sanctitatem de eiusmodi incommodis ijsuë quæ falsò suggesta prætenduntur, plenè edoctam fuisse constiterit.

Ad hoc autem requiri censetur **LEGITIMA ET EXACTA CAUSÆ COGNITIO**, citra quam **SECUNDA IVSSIO** dici non possit **ACTVS ABSOLVTI IMPERII**, ET **ENIXÆ VOLVNTATIS**; sed potius **NOVÆ**, AUT **EIVSDEM** quâ prima existimatur exorta **CIRCVMVENTIONIS EFFECTVS**.

Neque desunt, qui Bullas Pontificias, etiam in materia Fidei & doctrinæ licitæ, suspendi posse existiment.

Ita sanè expressè sentit & docet Ioannes Driedo, Louaniensis quondam Doctor, & moribus & Sacrae Theologiæ professione insignis, teste Archiepiscopo & Præfide Couarruuiâ, qui dum agit de materia suspensionis Bullarum Apostolicarum, auctoritatem eius cum hoc Elogio adducit, & probat doctrinam.

Driedo de
libertate
Christiana
lib. 2. c. 2.

Couarru-
uias præf.
quest. c. 35,
num. 4.

Ratio

„Ratio Driedonis hæc est: etiam in his quæ ad
 „Eidem spectant, vt omninò recta credenda sit
 „Pontificia Decisio, multa requiri; hæc verò Pon-
 „tificem omittere, & proprio sensui propriaque
 „prudentiæ inniti posse.

In spem igitur certam inducor, non ægrè latu-
 ram MAIESTATEM SVAM, quòd huc vsque
 Bullæ promulgationem sustinui; quin imò inter-
 positura sit Regiam suam Auctoritatem apud Se-
 dem Apostolicam, vt causa quâ nulla grauior atque
 Inquisitione dignior incidere potest, iustè ac legiti-
 mè cum omni integritate & æquanimitate discu-
 tiatur: vt pote in qua vertitur honor & existima-
 tio summi in Ecclesia Doctoris, Augustini, occa-
 sione dictæ Bullæ, maiori quàm antè hac vnquam
 temeritate impetita; idque in ea materia in qua
 ipse tot Pontificum, Conciliorum, ac Sanctorum
 Patrum testimonio acceptus, adedò ingenij ac do-
 ctrinæ dotes potissimùm exeruit, deque infestissi-
 mis Ecclesiæ hostibus planè triumphauit. Agitur
 præterea nomen & fama doctissimi pariter ac san-
 ctissimi, ætate nostrâ, Episcopi, qui(cùm hæretico-
 rum acerrimus semper fuerit hostis ac strenuus
 debellator) tum publicè tum priuatim hereseos
 aspergitur labe, magnum haud dubiè, dictæ Bullæ
 promulgatione & executione, in credulorum ho-
 minum animis incrementum accepturâ. Agitur
 quoque existimatio tot Illustrium Prælatorum ac
 Cele-

Celebrium vbique Theologorum, qui luculentissimis Approbationibus, Testimonijs, & Elogijs librum eius dignum censuerunt; quosque proinde difficile fuerit eandem hæresis notam, vel suspicionem omninò effugere. Agitur deinde de innumeris spectatæ probitatis & doctrinæ cuiuslibet Ordinis Religiosis, intempestiuâ & periculosâ coactione adigendis, vt eum è manibus eripi sibi patiantur librum, in quo certò existimant, se principia diuini amoris & Christianæ humilitatis, ex purissimis Sacrarum Scripturarum fontibus à D. Augustino hausta, percepisse. Agitur postremò de ipsius Sedis Apostolicæ Ecclesiæque Catholicæ auctoritate & infallibilitate, maioribus quàm vnquam antea, animis viribusque ab Hæreticis oppugnandâ, cum eam promulgari ac vbique recipi viderint Bullam, quâ tot præclarissimi Catholicissimique Theologi persuasum omnino habent, grauissimè lædi & acerbâ Iansenij proscriptione non posse non inuolui doctrinam S. Augustini, à quàm plurimis olim Pontificibus, Concilijs, Sanctis Patribus & totâ Ecclesiâ probatam & receptam.

F I N I S.



*Fol. 27. lin. 6. Iansenij librum typisq; mandat; vbi primò
lege, Iansenij librum; typisq; mandandum; vbi primò.*

Etiam ubique Theologorum, qui inveniuntur.
in Approbationibus, Testimoniis, & Elogiis.
eius dignum censuerunt; quodque proinde
illud fuerit eandem hanc notam, vel suspicio-
nem omnino effugeret. Agitur deinde de iuramento
iustitiae propriam & doctrinam cuiuslibet Ordini
Theologici, interpositum & periculosum coadi-
candum, ut cum eamque ubi libere patitur
libere, in quo eorum existimant, le principia divini
amoris & Christianae humanitatis ex purissima
scriptura scripturam scripturam & D. Augustino
libere percipisse. Agitur postremo de ipsis sedis
Theologicae Ecclesiae Catholicae auctoritate &
iustitiae, rationibus eorum utrumque auctor-
itatis utrumque ad Theologos, obsequantia, cum
eorumque ubique ac ubique recipi, uterque Bullam
eius, ut praeterea Catholicae Theologiae
Theologiae omnino habeant, gratissime lecti &
accipere tantum prohibitionem non possunt
in eorumque & Augustini, & quia plurimum olim
eandem, Concilio, sanctis Theologiae & tota
eius, propriam & receptam.



PHIL. THEOL. BIBLIOTHEK

PHIL. THEOL. BIBLIOTHEK
UNIVERSITÄTSBIBLIOTHEK WIEN